

MITI MUMU NJIC

Papia maŋnao dân forakac irec dân qizecne zĩjuc honenġopenenġ: Mârenġo wiac forakac â jurakac erâ hurerâ ro rauc erâ bajuenġopenenġ i fâri tâmiric sasawa. Dân izi arecne 22 fuakac, erâ *Mataio gaŋ 16:26* dân fokac irec âgone ekac. Eme dân wiac gâcne forakac izi qizecne â wâtuŋne i hâcne keteŋkehuc basanaŋkekac. Mâc Anutuzi wiac iŋucne nâre tahac eocmuo ine danġe mumutenġ ecnerâ bubianġ manahuc nâ bac enzepenenġ, qârenġic e iŋuc mukac. E Anuture fuŋne mana taraocte emâmânġkekac, erâ wiac sasawa fâri tâmiric ekac, mârenġ â wiacte wiac â njic juju â eebapa-nânġecte fuŋne iŋuc hone tarahuc sifu Anutu mi bebehe eraoa qohotahuc jaha zĩjuc mukac: “Anutu e njic tiŋne â biane bâfuac-nâpowec, ehame njic nânġac ine mamana biri hatane fuŋne fuŋne bâfuaenġopenenġ.” (7:29) Miti Mumu Njic papia irec zânġe Miti Qârio mi fuakac â Anuture zânġe “Wofuŋ” i papia maŋnao wâc basanġopenenġ.

Papia qârenġkewec qârenġic ere zânġe mi mananġopenenġ. Mâc zĩjuc sawa honenġopenenġ: E Salomози maŋqârânġ dân mu qârenġ ewec ira iticnehuc papia-ticne qârenġkewec. Erâ papia tataranao zĩjuc wosenġopenenġ: Miti Mumu Njic e njic maŋqârânġhec juwecte njic njokac maŋqârânġ dân jaha jaza qazuc ewec. Ine hâcne e maŋqârânġ dân mumure qaqazu moc juwec.

Njic e mârenġ sâko mârenġ me irec fainao

wiac forakac â jurakac irec mâretec manabâc ehuc juwec. Wiac sasawa i damen-ticnehec â mâren-te temane â fâri tâmiric. E injuc mana-pankehuc, Anuture micdân â ñic janere juju hata mana-fâren-gopenen, ñic dâñ injuc muen-gopien janere dâñ bawahaoc-te dâñ-ticne mu qâren ewec hâcne.

Papia mañnao dâñ me binan wiac zuzuhuc moc mi fokac, aricne.

Dâkâne 1 Mi Mu 1–6 ira dâñ forakac i gae wiac titinac sasawa.

Dâkâne 2 Mi Mu 7–12 irec mañnao ine dâñ wiac buc buc râe rakicne.

Wiac sasawa forakac i fâri tâmiric

¹ Dawidire ñokâ Miti Mumu NĪczi Jerusalem haeo ñicwofun juwec ere dâñ zine hâcne.

² Miti Mumu NĪc e dâñ kecziñuc muwec: Wiacte wiac forakac i fâri tâmiric, â juju i wâc fâri tâmiric jaha. ³ Ñoñe mârenko juhuc gie zocnehec baen-gopien irec fârine wemo wiac mo bâfuaen-gopien? ⁴ Ñic gañne gañne jañe fua omaec een-gopien, â mâren sâko mâren e ine foweczi fohuc juekac jaha. ⁵ Ehame zoanzi huc wefuc eekac, ehuc mocwâc wefuocte wefuekacko risieekac. ⁶ Mânân e juwic mârenkonec wefuekac erâ wâc faic mârenkonec wahaekac, injuc ehuc mâren râreckehuc mocwâc risieekac. ⁷ Opâ sâko sasawa jañe hâwecko huen-gopien, ehame sifu hâweczi mi qâmbârin-keekac; erâ opâ jañe qizec-jeñicko risierâ mocwâc funkerâ raen-gopien. ⁸ Ñic nânâc wiac sasawa ebac ehuc docke betan een-gopenen, ehuc irec fune munante dâñ basaen-gopenen.

Zâņe-nâņeczi wiac tatakic tâmiric honeekac â hazec-nâņeczi tatakic tâmiric dâņ manaekac. ⁹ Wiac fuarâ fowec izia mocwâc fuarâ foomu â wiac ebac ekicne ijaha mocwâc ebac eniņmu; mâreņko wiac furune moc mi fuaekac. ¹⁰ Irec wiac moc fuame honerâ ziņuc sâcne muniņmu: “Honec, wiac keci furune?” Aricne, i mârâc jaha jâmbâņ, nâņac mi fuarâ juhapene biac fuarâ fowec hâcne. ¹¹ Mimiņnefâc-nâņec jaņe juhapie wiac fuawec i moc mi manasuņgopeneņ iņuc jaha ñic jufenzonņopieņ me ziņuczia juņgopeneņ dameņ ñondeņ irec maņnao wiac fua raocmu i wâc mi manasunzonņopieņ.

Miti Mumu Njic wiac ebac ewec irec dâņ

¹² Miti Mumu Njic no Jerusalem haeo Israe ñic jaņere ñicwofuņ jupo. ¹³ Ehuc ñic nâņac mâreņko wiac sasawa ebac eeņgopeneņ irec fuņne hone mana tarac epemurâ mamana gie sâko bahuc jupo. Manaņgopieņ, Anutu e ñic nâņac gie munârewec i wiac ñemâcne â zâic busâqoc-ticnehec. ¹⁴ Njic nâņac mâreņko wiac sasawa ebac eeņgopeneņ i hone-fârepo, ehuc ziņuc mana tarapo: I fâri tâmiric sasawa, mâņâņ mezi rorâ basanaņkezo eipiņgopeneņ irec sâc. ¹⁵ Wiac hehesicne i bâbâpiaņkenere sâc mi eekac, â wiac mi foha basahuc sâcne mi woseeņgopeneņ.

¹⁶ No maņnanezi ziņuc manapo: “No ñic maņqârâņ sâkohec jukopac, juwicnao Jerusalem haeo guriņ bapa gie bahuc jumbiņ ñic i jaņere sâc sirickehuc maņqârâņhec jukopac hâcne. Irec

no maŋqârâŋ â mamana tara jahere fuŋne manakopac.”¹⁷ No iŋuc manahuc maŋqârâŋ â mamana tara erâ mutuc matacne irec fuŋne mana tarapemurâ gie sâko bahuc jupo. Ehuc ziŋuc mana tarapo: Gie i mâŋâŋ mezi rorâ basanaŋkezo eipieeŋgopeneŋ irec sâc jaha.¹⁸ Maŋqârâŋ fekcicne fonâreocmuo ine mana mezac bocjaha enaŋmu, â mamana sâkohec junaŋmuo ine zâic busâqoc wâc boc mananaŋmu.

2

¹ No maŋnanezi ziŋuc manapo: “No bubiaŋ faio jujuhâmo irec fuŋne manazepac.” Iŋuc muhuc ziŋuc mana tarapo: I wiac fâri tâmiric jaha.² Erâ ziŋuc wâc mana tarapo: Mu gâgâwi ee i wiac mutucne, â bubiaŋ faio juju izi wâc mi bafic-nâpoekac.³ Eme maŋqârâŋhec jujure boc enareme ziŋuc mupaŋkepo: No waiŋ opâ nârâ sahad-nane afeckeme bubiaŋ faio juzepac. No ziŋuc hâcne manasupo: Njic nâŋâc mâreŋko dameŋ bembene sawa juhuc iŋuc mecne epene bianaŋkeocmu.

⁴ No gie sâko bape fârinehec efârewec. Ehuc fic wiac-nane barâ waiŋ gie he sarac epo.⁵ Erâ monzaŋ gie â jufu gie-nane bahuc jâc fuŋne fuŋne sarapo wâc.⁶ No opâ nombâŋ ropo, eme irecnec opâzi rahuc jâc wiac i bâgunucke-fârewec.⁷ No kiŋaŋ qaqa njic ŋokac furi bacjopapo, â no nahacne ficko kiŋaŋ qaqa fuambiaŋ wâc. No lama bulimakao bacjopa jupo i juwicnao Jerusalem haeo guriŋ bapa njic jaŋe bacjopa jumbiaŋ jaŋere sâc sirickewec.⁸ Erâ no mâreŋ sâc

ņicwofuņ soņaņ-jopahuc jupo jaņere kânoņkonec siliwa â gol ro qâzuc epo. Ehuc gae hehe ñic ñokac rocjopape gae henarehuc jumbiņ; ehame hone aņac ejarepemurâ ñokacfâc-nane bocjaha junarembiņ wâc.

⁹ No iņuc ehuc zâņe biņehec erâ juwicnao Jerusalem haeo jumbiņ jaņe siric-jopa-fârerâ maņqârâņ-nanehec jaha jupo. ¹⁰ No wiac i me i rorâ bajuzo enareme rorâ bajupo, ehuc wiac bubiaņnehec moc mi bâsuepo. No gie sasawa bafârepo izi bubiaņ bâfua-narewec, erâ bubiaņ izi gie furi-nane ewec. ¹¹ Eme zâhec ine wiac ebac efârepo â gie sâko bahuc jupo irec manasurâ ziņuc mana tarapo: I wiac fâri tâmiric sasawa, erâ mezi mâņâņ rorâ basanaņkezo eipieeņgopeneņ irec sâc; erâ wâc ziņuc mana tarapo: Mâreņko juhuc wiac fârine moc bâbâfuane mi fokac. ¹² Ine hâcne, ñicwofuņ moc e wiac furune moc mi ehuc, ere juwicnao ñicwofuņ juwefumbiņ jaņe wiac ebac embiņ i sawa sâcne ebac eocmu.

No iņuc mana tararâ maņqârâņhec juju â ma-mana tâmiric mutuc matacne juju irec fuņne manapemurâ mamasasu gie bapo: ¹³ Baku ziņuc mana tarapo: Tatamaczi dapâc sirickerâ fefene eekac iņuc jaha maņqârâņzi mutuc matacne sirickerâ fefene eekac. ¹⁴ Ñic maņqârâņhec jaņe hata-jenĳic hone tarahuc raeņgopieņ, â ñic mutucne jaņe ine dapâcko qinqunķehuc jueņgopieņ. Nĳifec ine ziņuc wâc mana tarapo: Maņqârâņhec me mutuc matacne jueņgopeneņ nâņâc wiac hâhâwicne sâc ijaha fua-nâreocmu. ¹⁵ No iņuc mana tararâ ziņuc mupo: “Ñic mutucne wiac

fua-jareocmu ijaha no fua-nareme zinjuc mupemu: No wemocte manqârânhec jupo?” Injuc murâ mupo: “Manqârânhec juju-nane i wiac fâri tâmiric jaha.” ¹⁶ Juku njic moczi moc manqârânhec jumbinj jaņe moc mi manasuc-jopaocmu, â njic mutuc matacne jumbinj jaņe wâc injuc jaha mi manasuc-jopaocmu. Njic jaņe juku nânâcne nkec-jopa-fâreocmu hâcne. Njic manqârânhec mecne â njic mutuc matacne mecne nânâc mâmâc sasawa hâmo-fârenaņmu. ¹⁷ No injuc mana tarahuc juwefuhape wiac bianņezi mâcne, zârâ hâriņzi sawa fua-narewecte juju-nane qaisockepo. Wiac ebac epo i fâri tâmiric efârewec, nânâc mezi mânâņ rorâ basanaņkezo eipieņgopeneņ irec sâc ewec hâcne.

¹⁸ No gie sâko bahuc wiac sasawa hure hemârec efârepo i keczinjuc muhuc manape fâri tâmiric ewec: Âkehocnuocmuzi raucke-fâreocmu. ¹⁹ E manqârânhec juocmu me mutuc matacne juocmu i mozi manakac? Ehame no mâreņko manqârânhec juhuc gie barâ wiac bâfuapo i sifu ro rauc efâreocmu. Irec wiac bâfua-fârepo i manape fâri tâmiric jaha ekac. ²⁰ No injuc murâ, gie zocne fârone bahuc jupo irec busâqoc manapo. ²¹ Zinjuc honeņgopeneņ: Nânâc mamana â manqârân bâfuarâ mamana sarichec juhuc gie bapene fârine fuaekac i njic moczi giene mi bapa mâc juku ro rauc eekac. I wâc injuc jaha fâri tâmiric eekac â mi sâckeekac. ²² Nânâc mâreņko gie zocne fârone bahuc juenņgopeneņ, eme irec fârine wemo wiac moc fua-nâreekac? ²³ Nânâc wiac ebac eeņgopeneņ izi dameņ sâc busâqoc

â aaric bâfua-nâreekac, ehame njafeo wâc guņ sâcne mi foengopeneņ. Irec i fâri tâmiric jaha eekac.

²⁴ Fuņne iņuc fokacte njic nâņâc wiac hure hemârec eengopeneņ irec aņac manarâ nânâ opâ nâhuc juhapene biankeocmu mecne. No iņuc manahuc njifec ziņuc mana tarapo wâc: I Anuturaonec jaha ware-nâreekac. ²⁵ Iņuc mi fome muzac ine wemocko nânâ opâ nâhuc wiac gâcnere bubiaņ wâc mananzapeņ. ²⁶ Anutu e mana-jareme biankeekac njic i jaņe hâcne maņqârâņ â mamana tara â zeri bubiaņ tahac-jopaekac. Njifec ine njic hehesicne jaņe gie bapie fârine fuame ro qâzuc eniņte mujareekac; i njic gâcne mana-jareme boc biankeekac jaņe jareocte iņuc eekac. Erâ sifu irec wâc mâmâc manape fâri tâmiric eekac, ine mezi mâņâņ rorâ basanaņkezo eipieengopeneņ irec sâc.

3

Wiac sasawa jaņe dameņ-jeņichec

¹ Mâreņko wiac sasawa kecziņuc jaņe Anutuzi dameņ bajareme sâc fuaeņgopieņ:

² Fufua â hâmoc dameņ,
hesarac â qa roro dameņ.

³ Qaqac â bâbâsomie dameņ,
fic hae ima bapa â bâbâpiaņ dameņ.

⁴ Busâqoc â bubiaņ dameņ,
ki mamakuc â gae wowo dameņ.

⁵ Njowe ñonâņ juju â sowa juju dameņ.
eehâmo â qaqaisoc dameņ.

⁶ Wiac basarâ bâbâfua â behepene sisifucke irec
dameņ,
wiac qâqâzucke â bebehe irec dameņ.

⁷ Wiac bâsucke behec â qâtâ bâpiaņ ee irec
dameņ,
dâņemâc juju â dâņehuc juju irec dameņ.

⁸ Manjaunĥec juju â rârâsi dameņ,
zika â wama dameņ.

⁹ Nĥic nâņâc gie-nâņec bahuc fârine wemo
wiac bâfuaeņgopeneņ? ¹⁰ Anutuzi gie ñemâcne
fai-nâņecko râewec i hone tarakopac. ¹¹ E wiac
sasawa jaņere dameņ i fâretiņ jaha râe-fârewec.
Erâ wâc ñic nâņâc wiac fua raocmu irec fuņne
mananaņte woworic râe-nârewec, ehuc ine sifu
eebapa-ticnere fuņne mana taranzipeņte tâpiri
mi qikiņne-nâreekac. ¹² Irec no ziņuc mana
tarapo: Nĥic nâņâc mâreņko junaņmu sâc wiac i
me i mi ebac ee mâc zeri bubiaņ sawa manahuc
jupene sâckezejec. ¹³ Erâ ziņuc mana tarapo
wâc: Nâņâc nânâ opâ nâeņgopeneņ â gie bapene
fârine fuame zeri eeņgopeneņ izi Anuturaonec
taha hâcne.

¹⁴ Erâ wâc ziņuc manakopac: Anutuzi wiac
sasawa ebac eekac i fofo sanaņ, ñic nâņâc ira
zuhuckerâ wiac moc bapa, me irecnec wiac
moc ro behec ee i mi fokac. Anutu e ñic
nâņâc araņ bacnehuc junaņte wiac iņuc hâcne
bâfua-fârewec. ¹⁵ Wiac fuaekac me juku fuaocmu
i mârâc jaha biac fua-fârewec, Anutu e wiac izia
fuarâ fua eocte giene baekac hâcne.

Mâreņko hehesic fokac

16 Erâ i sawa mâcne, no zuhuckerâ wiac kecziñuc wâc honepo: Mârenko mumutiñ gie â eebapa tiñne foote mukicne ira wiac hehesicne foekac. 17 Inuc honerâ mañnanezi ziñuc manasupo: Anutu e gie â wiac sasawa irec dameñ bawecte ñic tiñne â hehesicne jañere dâñ sâckoa mutaraocmu. 18 Erâ ziñuc manasupo wâc: Anutu e ñic nâñac ziñuc nâzâ nâwotuc eocte ba esâic enâreekac: Ñoñe qowi jañere sâc sirickerâ biañne mi juenğopien. 19 Irec qowi jañe wiac fua-jareekac sâc ijaha nâñac fua-nâreekac. Jañe hâmoenğopien sâc ijaha nâñac hâmoenğopenen, jañe nâñacne sâc jaha bâfuac-jopakicne. Ñic nâñac jañere sâc jâuruhuc biañne mi juenğopenen. Jañere juju mecne â nâñacne juju mecne i wiac fâri tâmiric jaha. 20 Jañe mecne â nâñac mecne mâmâc hae mârenj ijaha rafârenañmu. Nâñac mâmâc jaha mârenjkonec fuamben irec mâmâc jaha mârenko risie hunañmu. 21 Ñic nâñacne mârozi faic feocmu â qowi jañere mârozi juwic huocmu i mozi mana taraekac? 22 Irec kecziñuc mana tarapo: Ñic nâñac gie bapene fârine fuame irec manasuhuc zeri bubiañ epene sâckezejec. Wiac moc eene mi fokac. Nâñac juku hâmohapene wemo wiac moc fua-nâreocmu i mananañte hatane basaenğopenen.

4

1 Eme no mârenko wiac hehesicne fua rakac i mocwâc hone-fârehuc ziñuc hone tarapo: Bâzâic-jopakicne jañe kiohuc juhapie moczi moc

mi bâmiriņ-jopawec. Râsifâc-jeniç jaņe tâpirihec jumbiņte moczi moc mi bâmiriņ-jopawec hâcne. ² Irec no hâmokicne jaņere manape zerine eha qâricne juņgopieņ jaņere manape busâqocnehec ekac. ³ Erâ wâc biac mi fuarâ jumbiņ, ehuc mâreņko wiac hehesicne fua rakac i mi honembiņ jaņere manape zerine ekac i fuņmoc. Wemocte, i hâmokicne me qâricne juņgopieņ jaņere manaekopac irec sâc jâurukac.

⁴ No ņic jaņe gie zocne fârone bahuc juēņgopieņ irec fuņne kecziņuc hone mana tarac epo: Jaņe ņic âgofâc-jeniç jaņe wiac bajueņgopieņ irec sâc sirickehuc fua-jareocte iņuc hâcne eenņgopieņ. Erâ izi wiac fârine mâcne, i mezi mâņâņ rorâ basanaņkezo eipieēņgopeneņ irec sâc jaha ekac. ⁵ ņic mutuc matacnezi ojoņ juhuc nânâre hâmo sipiric eekac i jâmbomac. ⁶ Erâ ine wiac sisirowe-nao qohotahuc irec gie zocnehec bahuc mâcne, wiac afecne sawa hurehuc maņwama bâfuapene sâcke-hâmooomu.

⁷ Erâ no mâreņko wiac moc kecziņuc fuame honeekopac: ⁸ ņic moc e naru motec me hahac qafâc-ticne tâmiric buc juhuc gie zocne fârone baekac, ehuc moneņ mafa hure hemârec eekac irec maname mi sâckeekac. Ehame ziņuc mi wioekac: “No zâic gie sâko i more erâ bahuc zeri bubiaņ mi bâfuaekopac?” No mâsi iņucnere wâc manape wiac racne â busâqocnehec eekac.

⁹ ņic jajahec jahe babafic ehuc gie bapire fârine biane fuaocmu, irec ņic moc e bucticne mâcne, âgonehec mâmâc jupire sâckeocmu. ¹⁰ Ehame jaheraonec moczi waha qame âgonezi sâcne bafa-

hareocmu, â bucticne juhuc waha qame ine mo âgo-ticnezi bafahareocmu, i aricne i! ¹¹ Me mâmâtenj damenjo njic jajahec jahe mâmâc jaha fohuc heheâronj sâcne enicmu, â njic moc e buc fohuc ine fâfâreocmu. ¹² Me njic moc e buc juhame râsizi fisirâ bawahaocmu, njic jajaheczi babafic ehuc ine râsi sâcne jâpenicmu. Repa moc muc jahec â moczi bapene mi tâcneocmu.

¹³⁻¹⁴ Njic waha qaqane moc e mârenj-ticnere njicwofuŋ âkendânjezo murâ sâcne âkendânjeninjmu, â moc e kâpâcwâru ficko ŋekicnezi njicwofuŋ ŋeŋeo râepie ŋezo murâ sâcne ŋeocmu; izi juku njicqizec erâ mutuc ehuc unŋsawanj dâŋ qikiŋneme manacnepie wawahane eocmu, â njicmotec hapetaczi maŋqârânjhec jume ere ine manapie fefene eocmu. ¹⁵ No njic sasawa mârenjo juenŋopienj jaŋere manasuhuc ziŋuc mana tarapo: Jaŋere ŋondenjkonec hâcne njicmotec moczi njicwofuŋ âkehoceocmu. ¹⁶ Njicwofuŋ moc e njic guru dindinj sâko gurinj bajareocmu mecne, erâ ine wiac ebac ehuc juku hâmohame sifu njic moczi irec mocwâc manasuhuc zeri bari mi eocmu. Erâ i wiac racne jaha, mezi mâŋâŋj rorâ basananjkezo eipieenŋopenej irec sâc ekac.

5

Fâro faio mumupanj dâŋ mi muzo

¹ Go taha ufuŋko fezo murâ rucjarige bahuc fezemec. Ferâ Wofuŋ dâŋticnere hazec râetec mana-garepe fefene eocmu, â njic mutuc mat-acne jaŋe tiŋne â hehesic jahere fuŋne mi

mana tarahuc bâzi rikeņgopieņ irec sâc etec ine mana-garepe wawahane eocmu. ² Go dâņ moc muzo murâ qanaņ manasu biric ezemec, ehuc Anuture maio fâro faio mumupaņ dâņ mi muzemec. Anutu e sambâņko jukac, â go ine mâreņko jukomec, irec dâņ afecne sawa muzemec. ³ Go mana mezac boc ehuc guņ sâqocne bocjaha manacmu, â dâņ bocjaha mu razic wefuc ehuc mumusifuc dâņ mucmu hâcne. ⁴⁻⁵ Go Anuturao mumupaņ dâņ moc mucmuo ine irec fârine bâfuacmurâ zoqac ezemec. E ņic mutucne jaņere mi ecneekac, irec go mumupaņgere fârine bâfuazemec. Go, mumupaņ-nanere fârine sâcne mi bâfuapemu, iņuc muhuc mumupaņ dâņ moc mi muzemec. ⁶ Dâņ musifuckehuc sâqocne bâfuazicte nameņge soņaņkezemec. Go zâhec taha bapare maio ziņuc muzicte iņuc ezemec: No fâro ehuc musifuckepac. Go wemocte dâņgezi Anutu aaric bâfuacnehuc giegere fârine hetâtieocte mukomec? ⁷ Go guņ bocjaha manae-kicte dâņ racne boc muekic, erâ sifu Anutu araņ bacnetec sâckezejec.

Juju i wiac fâri tâmiric

⁸ Go kia gawamaņ jaņe ņic qarâ suriņne bâzâic-jopahuc dâņgieo mi bafic-jopaniņmu â dâņjeņic mi dopeckeniņmuo ine mi wareckezemec. Kia fekicne jaņe kia wahakicne ņezic-jopaņgopieņ, â gawamaņ kâcqenezi kiafâc-ticne fekicne â wahakicne mâmâc ņezic-jopa-fâreekac. ⁹ Irece mâreņ moc e ņicwofuņ-ticne jume sâckeocmu.

¹⁰ Njic moc e moneņte boc ecneocmuzi moneņte harac jaha ehuc juocmu, â njic moc e moneņ mafa sâkohec eocte manasuhuc wiac sasawa rozo muocmu i mi bâfuaocmu. Irec hata i fâri tâmiric jaha ekac.

¹¹ Njic moc e moneņ mafa sâkohec juocmu e njic bocjaha jaņe nânâ jare gumec eocte munijmu, ehame wemo wiac fârine moc bâfuaocmu? E mâc ziņuc sawa mana taraocmu: No mafa mâriri sâkohec juekopac. ¹² Kiņaņ qaqa moc e nânâ wiac bocjaha me afecne sawa nâhuc sifu guņ bianņe foomu, â njic moneņ mafa sâkoheczi ine wiac sasawa-ticnere mana mezac boc ehuc guņqâri juocmu.

¹³ No mâreņko wiac hâhâwicne kecziņuc fuame honeekopac: Njic jaņe zâhec wiac i me i moc basanziņte moneņ-jeņic ro qâzuc eenņopieņ. ¹⁴⁻¹⁵ Erâ juku wiac kosa ehuc behepie omae-fâreha naru motecfâc-jeņic jareņte basaenņopieņ. Njic nâņâc mâreņko metariņ fuambeņ iņuc jaha juku hâmorâ metariņ jaha ranaņmu. Nâņâc gie sâko bahuc juenņopeneņ, erâ sifu irec fârine i me i moc mi baranaņmu.

¹⁶ Wiac izi mi sâckeekac. Nâņâc fuambeņ irec sâc jaha ranaņmu. Nâņâc zocne fârone ehuc mezi mânâņ rorâ basanaņkezo gie sâko baenņopeneņ, ehuc irec fârine wemo wiac bâfuaenņopeneņ?

¹⁷ Dapâcmaņko juju, â busâqoc â memezac â aaric â huc zâic faio juju bâfuaenņopeneņ hâcne.

¹⁸ Manaņņopieņ, no wiac ziņuc hone mana tarac ekopac: Nâņâc Anutuzi juju damenņ bembeneņ nârewec irec maņņao gie bapene fârine fuaekac irec zeri ehuc nânâ opâ nâpene

biankeocmu. Njic nânjâc injuc hâcne enante munârekicne. ¹⁹ Anutu e njic nânjâc monej mafa â fic hae nâre tahac ehuc irec bubian mananante mana-nâreocmuo ine danje mumutenj enzepenej, ehuc gie bapene fârine fuaekac i bubian manahuc nâ bac enzepenej. Wiac i Anuturaonec taha moc hâcne. ²⁰ Njic nânjâc zeri bubian faio junante Anutuzi mana-nârewec, irec juju damej-nânjec bembenjere mana mezac boc mi enzepenej.

6

¹ No mârenko juhuc njic janerao wiac hehesicne kecziñuc fuame honepe mi sâckeekac: ² Anutu e njic moc e me e monej mafa â zâje biñe â fic hae erâ wiac gâcne sasaware ecneekac i mâmâc râcne-fâreocmu mecne. Erâ ine njic e wiac i nâ bac ehuc bubian manazacte aka hecneha njic furune moczi nâ bac ehuc bubian manaocmu. Mâsi injucne i wiac fâri tâmiric erâ mi sâcke-jâmbânkeekac. ³ Njic moc e damej zora jufehame naru motecfâc-ticne 100 fuacneniñmu mecne, ehame jujuhâmo moc mi bâfuañuc juku hâmomme bianje mi duckeniñmuo ine ere manape wawahane eha kogoc hâmocne fuawec ere ine manape fefene eocmu. ⁴ Kogoc injucnezi fuarâ izia dapâcko sifuckeme ere nîkec-nâpoekac. ⁵ E zoañ tatamac moc mi honeocmu â jujure fuñne wâc mi manaocmu, erâ sifu njic e sirickehuc jujumana haeo raocmu. ⁶ Kogoc injucnezi njic moc jara 2 taunenj jufehuc jujuhâmo mi bâfuaocmu ere

sâc sirickeocmu hâcne. Erâ jahe sifu hae ijaha rakopirec.

⁷ Njic nânâc gie sasawa baengopeneŋ i nânâ opâ-nâŋec bâfuananŋte baengopeneŋ, erâ ine sâcnâŋec bâfua-bipiehuc sifu manapene mi sâckeekac. ⁸ Ehame njic maŋqârânheczî weniŋuc ehuc njic mutuc matacne sirickeme biankeekac? Â njic qarâ suriŋne e juju bianŋere fuŋne manaocmu izi sâcne bafickeocmu me? ⁹ Nânâc wiac fonâreekac irec manapene sâckezejec, me fonâre-bipieha zuhuckerâ ronanŋte mupene ine sâqoreekac. Erâ i wiac fâri tâmiric jaha, mezi mâŋânŋ rorâ basanankezo eipieenŋopeneŋ irec sâc ekac.

¹⁰ Wiac sasawa fua raekac i fuaocte Anu-tuzi mârâc jaha maname fowec. Irec nânâc ziŋuc manaenŋopeneŋ: Tâpiri-nâŋec sirickehuc juekac ehac dân mu qaqatarac sâcne mi enanŋmu. ¹¹ Sifu ehuc dân bocjaha mupene fâri tâmiric jaha eme wemo wiac bianŋne moc fua-nâreocmu? ¹² Njic nânâc mâreŋko juju dameŋ-nâŋec bembenŋe â fâri tâmiric erâ mumuc iŋucne fuarâ omaeekac irec maŋnao weniŋuc jupene biankeocmu i mo njiczi moc manaekac? Me njic nânâc juku hâmopene faicnao mâreŋko wemo wiac moc fuarâ foocmu i wâc mozi manarâ sâcne nâzâocmu?

7

Maŋqârânheczî jujure dân gâcne gâcne

¹ Zânŋe biŋehac juju izi wokemaŋ âsu bianŋ irec sâc sirickekac, â hâmoc dameŋ-nâŋeczi fufua dameŋ-nâŋec wâc sirickekac.

2 Hâmoczi wonec-nâhec fokac i qâricne juengopenen nânâc manasuhuc junzepenen, irec nânâc gae wohuc zeri sâko eengopien hae mâren ira mâcne, makuc baengopien ira rapene biankeocmu.

3 Zâic fâro faio juju izi mu gâgâwi faio juju sirickeme biankekac, i njifec busâqoc bâfua-nâreekac â njifec ine mamasanin-nâhec basanankeekac.

4 Njic mutuc matacne e damen sâc jujuhâmоре sawa manasuekac, â njic mañqârânhec eki ine hâmocte mâmâc manasuekac.

5 Njic mañqârânheczi mu tutuc enâreme manapene fefene ezejec, â njic mutuc matacne jaje mumbian-nâpopie manapene wawahane ezejec.

6 Njic mutucne moczi gâwieme qinambu zârâ zocko râepene zahuc parac heekac irec sâc eekac, erâ izi wiac fâri tâmiric jaha ekac wâc.

7 Njic mañqârânhec moczi njic moc eatuckeocmu e njic mutucnere sâc bâfuaocmu, â moc e bâbâmirin moneñ roocmuzi mañ mamasasu-ticne sipirickeocmu.

8 Gie funkehuc mâcne, baku batararâ manapene biankezejec. Sahac fefe juju i wiac wawahane â bumâten faio juju izi ine wiac fefene.

9 Go kimben aaric biac mi bâfuazemec, aaric i njic mutucne janere mañko fic hae eekac.

10 Go zinuc mu wioc moc mi ezemec: “Damen ranqanao wemocte wiac sasawa bianne fofârewec?” Wiwio injucne i mañqârân dâñ aricne.

11 Mârenko njic juengopenen sasawa nânâc mañqârânhec efârenzepenen; mañqârânhec

juju i merâfâc wiac babaju irec sâc jaha ekac. ¹² Moneŋzi ɳezic-nâpoekac irec sâc jaha maŋqârâŋzi ɳezic-nâpooemu; maŋqârâŋte fuŋne manaenɳopien ɳic i jaŋere juju i maŋqârâŋzi basanaŋkeekac hâcne.

¹³ Go Anutuzi wiac ebac ewec irec manasuhuc juzemec; eki wiac i me i moc bame sâqorewecko ine ɳic moczi moc sâcne bâtiŋneocmu me? ¹⁴ Go gie wiacge batec hatacke-hâmome zeri bubian faio juzemec, me sâqore-gareme ine ziŋuc manazemec: Anutu e jujuhâmo â zârâ zâpânehec juju i mâmâc mume fua-nâreekac, irec nâŋâc wemo zuhuckerâ maic-nâpooemu i mi manaenɳopeneŋ.

¹⁵ Juju-nane i fâri tâmiric ewec, ehame sifu wiac ziŋuc fuaekac i hone-fârepo: ɳic tiŋne jaŋe tiŋne jaha juhuc hâmo sipiric eenɳopien, â ɳic sindaŋne jaŋe ine sindaŋne jaha juhuc damaŋ zora jufeeŋopien. ¹⁶ Irece go jujuge biac sipirickezicte tiŋne â maŋqârâŋhec boc mi juzemec. ¹⁷ Erâ ɳifec ine damaŋge mi taraha biac hâmozicte sindaŋ â mutuc matacne wâc boc mi juzemec. ¹⁸ Go wiac ɳifecne ehuc ɳifecne wâc mi behezemec. Erâ Anutu araŋ bacnehuc wiac iŋuc me iŋuc ebac etec bianaŋkeocmu.

¹⁹ Maŋqârâŋzi ɳic bafic-nâpoekac i gurin bapa ɳic 10 jaŋe hae moc bafickeenɳopien irec sâc jâurukac.

²⁰ ɳic moczi damaŋ sâc tiŋne juhuc bahac moc mi bâfuaocmu i mâreŋko moc mi fokac.

²¹ Kiŋaŋ qaŋagezi sâwecgukac, go dâŋ iŋuc moc manazicte ɳic jaŋe dâŋ muenɳopien sasawa irec

hazec mi râezemec. ²² Erâ go damenġ gâcnao njic sâwec-jopamenġ i go gahac manaekic wâc.

Mañġârânġte babasa gie bapa

²³ No mañġârânġhec juhuc wiac sasaware fuñne bataniñkepemurâ manasupo, ehuc kecziñuc mupo: No mañġârânġ fârine bâfua-hâmozepac, iñuc muhuc boc eipiepo. ²⁴ Jujure fuñne weniñuc fokac i mozi mana taraocmu? Jujure fuñne i qame hukicne, irec mana taranañte eipiengopenenġ. ²⁵ Erâ no sifu mana tarapemurâ giene zoqachec bapo, ehuc mañġârânġ â wiwio-nanere fârine bâfuapemurâ fotac qatariepo. Erâ ine ziñuc sawa mana tarapo: Sindañne juju i wiac mutuc matacne â mutuc matacne juju i wiac gâgâpâcne.

²⁶ No iñuc hone tarahuc ñokacte fuñne ziñuc mana tarapo wâc: Ñokac e hâmocte sâc jâuruhuc wiac hâtâ qinqiñne iñucne ekac. E âgo egareha izi bitinġ iñucne erâ kicguocmu, â hâpocgume kâpâcwâruzi basanañgukac tinac eocmu. Njic moc e Anutuzi manacneme bianġkeekaczi ñokac sâcne wisecneocmu, â njic hehesicne e ine ñokaczi eatuckeme erao qohotaocmu. ²⁷ Miti Mumu Njiczi dânġ ziñuc mukac: No wiwio-nanere fârine bâfuapemurâ giene barâ ba ewarehuc iñuc hâcne mana tarapo. ²⁸ Erâ wiwio-nanere okacne gâcne wâc bâfuapemurâ giene bape arictac ewec. No iñuc ehuc njic 1 tausenġ janere ñondenġko njic mocjaha sawa bâfuarâ manacnepe fefene ewec, â ñokac bianġne ine moc mi bâfuapo. ²⁹ Manañgopienġ, no wiac kecziñuc sawa hone tarapo: Anutu e njic tiñne â bianġne

bâfuac-nâpowec, ehame njic nânjâc ine mamana biri hatane fuņne fuņne bâfuaenġopeneņ.

8

¹ Njic maņġârâņheczi sawa wiacte wiac irec fuņne mana taraekac. E maņġârâņhec jume zâņe mai-ticne rânġeņnezi urueha fie ruruckeekac.

Njicwofuņte dâņ reņkezo

² Go njicwofuņzi dâņ mutâcne-gareme mana rereņ ezemec, ehuc ine Anuturao mumupaņ dâņ i ututuņ jaha mi muzemec. ³ Njicwofuņ e wiac i me i ezo murâ eocmu, irec go ere maio fuarâ wiac irec me irec maname mi sâckeha qizec boc mi qazemec. ⁴ Njicwofuņte dâņ i tâpiri-ticnehec, irec njic moczi ziņuc sâcne mi âzâcneocmu: “Go wemo wiac ekomec?” ⁵ Go dâņticne mana rereņ erâ sâcne jucmu, â njicwofuņte dâņ i mo dameņko weniņuc ehuc reņkezo i njic maņġârâņheczi mana taraekac. ⁶⁻⁷ Wiac sasawa ebac enaņte dameņ â hata bâfua-nârekicne, ehame juku wiac weniņucne fuaocmu i kâuc bahuc boc ņemâckeenġopeneņ, i mozi moc nâzâme mananzapeņ. ⁸ Njic nânjâc hâmoc sâcne mi wisecnenâņmu â hâmoc dameņ-nâņec âke suepene feocte tâpiri wâc mi fonâreekac. Hâmohec zika gie bapa i jujumana tâmiric, â eeatuc moc bâfuauc sâcne wâc mi behenaņmu.

Njic sindaņne â tiņne jaņere dâņ

⁹ Njic jaņe mâreņko wiac ebac eenġopieņ irec mamasasu gie bahuc wiac i sasawa mana tara-fârepo. Njic ġâcne jaņe tâpiriheç juenġopieņ

â gâcne jaņe ine ņic tâpirihec jaņere ruru-
maņko juhuc zâic manaenġopien. ¹⁰ No ņic sin-
daņne zâņeruņko ducjopapie honec-jopapo, erâ
ņic jaņe zâņeruņ ġieonec risiehuc ņic sindaņne
jaņe qâricne juhuc hae-jeņicko wiac gâgâpâcne
ejumbienġ irec mumbianġ-jopapie manapo. Wiac
i wâc fâri tâmiric jaha.

¹¹ Nġic jaņe wemocte afeckerâ wiac hehesicne
boc eenġopien? I okacne biac mi fisi-jareekac
irec. ¹² Sâqocne bapa moc e wiac hehesicne
eme arecne 100 mecne eha sifu zuhuckerâ jufeku
ņicqizec eocmu. Erâ no ine sifu ziņuc man-
akopac: Anutu araņ bacnehuc juenġopienġ jaņe
araņ bapa-jeņicte jujuhâmo bâfuaniņmu, ¹³ â ņic
sindaņne jaņe ine jujuhâmo bâfuahuc damaņ
zora mi juniņmu. Jaņe Anutu araņ mi bac-
neenġopienġte juju damaņ-jeņic i nâkumuc iņucne
fuarâ omaeocmu. ¹⁴ Erâ i wâc fâri tâmiric jaha
ekac. Manakic, mâreņko wiac kecziņuc fuaekac
hâcne: Nġic sindaņne jaņe okacne fua-jareocte
mukicne i ņic tiņne jaņere faio feekac, â ņic tiņne
jaņe juju bapa-jeņicte furi roninġte mukicne i ine
ņic sindaņne jaņe roenġopienġ. No irec hâcne
mukopac: Wiac i fâri tâmiric jaha ekac.

¹⁵ Irec ņic nâņâc zeri bubianġ faio junaņte mu-
kicne i hata i me i âtehuc mâcne, nânâ opâ nâhuc
zeri bubianġ ee hata i mocjaha fonârekac. Anutuzi
juju damaņ banârewec irec maņnao zâic ġie sâko
bahuc wiac i sawa sâcne enaņmu.

¹⁶ No maņqârâņhec erâ mâreņko wiac fuarâ
foekac irec fuņne manapemurâ zoqac sâko ehuc
ziņuc sawa mana tarapo: Nâņâc zoaņko me ņafeo

guŋqâri juhuc mamana gie barâ ¹⁷ Anutuzi wiac ebac eekac irec fuŋne i sifu mi mana taranaŋmu. Nâŋâc irec mamana gie samarierâ bahuc sifu mi mana taranaŋmu. Nĭc maŋqârâŋhec jaŋe irec fuŋne manaŋgopeneŋ, iŋuc muhuc sifu kâuc baenŋgopieŋ wâc.

9

Nĭc nâŋâc katucne sâckoa rofârenaŋmu

¹ No wiac sasawa irec manatâc qâtâc boc ehuc ziŋuc mana tarapo: Anutu e nĭc maŋqârâŋhec â tiŋne jaŋere eebapa irec guriŋ bahuc maŋjaunŋ â aaric-jeŋicte guriŋ i wâc mâmâc baekac. Irece nĭc nâŋâc wemo wiaczi maic-nâpooocmu i nâŋâc moc mi manaenŋgopeneŋ. ² Wiac fuaocmu i nĭc mâmâc sasawa rocnâpooocmu, nĭc tiŋne â hehesicne, biaŋne â sâqocne, mitihece â miti tâmiric, Anutu araŋ bacneenŋgopeneŋ me mi bacneenŋgopeneŋ, nâŋâc mâmâc rocnâpo-fâreocmu. Ine hâcne, sâqocne bapa wiace fuacneocmu sâc ijaha nĭc biaŋne fuacneocmu, â mumupaŋ dâŋ mi muocmu e nĭc mumupaŋ dâŋ mume wiace fuacneocmu irec sâc jaha fuacneocmu. ³ Nĭc mâmâc sasawa okacne sâc ijaha rofâreenŋgopeneŋ izi hâcne mâreŋko wiace gâcne fuarâ foekac i sirickehuc sâqoreekac. Nĭc jaŋe mâreŋko juŋeŋgopieŋ sâc mamasasu hehesicne â gâgâpâcne bajuku hâmorâ hâmokiecne jaŋerao zuhuckeenŋgopieŋ. ⁴ Â moc e mâreŋko qâricne juenŋgopieŋ jaŋere ŋondenŋko juha woworic-ticne foekac jaha; qâto moc juocmuzi laioŋ hâmocnere sâc sirickeocmu. ⁵ Qâricne juenŋgopieŋ jaŋe juku

hâmonaŋmu i manaenġopien, â hâmokicne jaŋe ine wiac moc mi manaenġopien. Ehuc zuhuckerâ furi roro i mi eniŋmu, â ŋic moczi moc jaŋere mocwâc mi manasuniŋmu. ⁶ Jaŋe hâmoħapie maŋjauŋ-jeŋic â aaric-jeŋic â zoqac-jeŋic i mâmâc omae-fâreocmu. Jaŋe mâreŋko wiac i me i fuaocmu ira zuhuckerâ gie moc mi baniŋmu.

⁷ Ajoc, go nânâge nâhuc bubiaŋ manac, â waiŋ opâge nâhuc zeri ec, go iŋuc ecmurâ Anutuzi mârâc jaha biac mana-gareme sâckewec. ⁸ Irec go damaŋ sâc zeri bubiaŋ faio juzemec. ⁹ Nokacgere egareekac ehec zeri bubiaŋ faio juzemec, Anutuzi mâreŋ zira juju fâri tâmiric garewec i fogareha iŋuc hâcne ezemec. Ehuc juju damaŋge fâri tâmiric sasawa irec zeri bubiaŋ manazemec, go mâreŋko zâic gie sâko bahuc juhantez zeri bubiaŋ i sawa fua-gareocmu hâcne. ¹⁰ Go gie i me i zoqachec bazemec, i wemocte? Hâmokicne jaŋere haeo racmu ira gie me mamana me mamana tara me maŋqârâŋ moc mi fokacte iŋuc hâcne ezemec.

¹¹ Erâ no mâreŋko wiac kecziŋuc wâc fuame honepo: Nĭc gasackeenġopien jaŋe mao fisirâ furi mi roeenġopien, â ŋic zoqachec jaŋe zikao mi sanaŋkeenġopien, â ŋic maŋqârâŋhec jaŋe nânâ wiac boc mi bâfuaenġopien, â mamana sâkohec jaŋe monen mafa boc mi hureenġopien, â ŋic mamana sarichec jaŋe gie fekicne boc mi rauckeenġopien. Jaŋe sasawa wiac busâqocnehec fua-jareekac hâcne. ¹² Nĭc nâŋâc damaŋ banârekiecne i moc mi manaenġopenen. Ine qowi jaŋe mi manahuc bitiŋko razipie kicjopaekac, â hâwec qowi jaŋe wâc mi manahuc wasaŋko

jowaengopien irec sâc jaha njic nânjâc mi manahuc juhapene damej sâqocnezi ututun jaha maic-nâpoekac.

Manqârânzi tâpirire sâc sirickehuc wiac fefene ekac

¹³ No mârenko wiac kecziñuc wâc fuame honerâ manape boc fefene ewec: ¹⁴ Mâreñ mocko hae piticne moc ñewec, erâ ñecjuçfâc-ticne jañe afecne sawa. Ehame ñicwofun tâpirihac moczi momorifâc-ticne jañehac fisirâ hae i somâckembiñ. Somâckerâ qânâsac âkezurâ haeo feninje zae wiac bambiñ. ¹⁵ Erâ hae irec mañnao ñic hapetac moczi mañqârânhec juwec. E mañqârân dâñticnezi hae i râsifâc-ticne jañere meonec batarawec. Ehame zâhec ine ñic ere mocwâc mi manasumbiñ. ¹⁶ No inuc honerâ ziñuc mana tarapo: Mañqârânzi tâpirire sâc sirickehuc wiac fefene ekac; ñic gâcne jañe ine ñic waha qaçanere mañqârân qaisockeençopien â dâñticne wâc qikiñneençopien.

¹⁷ Njicguru mutuc matacne jañere micnezi dâñ musokahuc mume hazec mi râenzepeneñ, ñic mañqârânheczi dâñ urucne mume ine mana reren epene biankeocmu. ¹⁸ Mañqârânzi zikare wiac sirickehuc gie bianne baekac, â bâbâsifuc ñic mocjaha maczi ine wiac bianne bocjaha ima baekac.

10

Eebapa mutuc matacnere fârine gâcne

¹ Mâkâc hâmocne jañe wokemañ âsu bianko hupie wokemañzi âsu sâqocne fiocmu, irec sâc

jaha dân mutuc matakne afecnezi mañqârânj dân bawahaocmu.

² Njic mañqârânjheczi wiac fâretinj jaha ebac eekac, â njic mutuc mataknezi ine wiac hehesicne ebac eekac. ³ Njic mutuc mataknezi njic furune mutuc mujarehuc e jahacne funje bataniñkeekac.

⁴ Njicwofunjezi aaric mana-gareme sifu giege mi behezemec, go mâtenje jutec kinje beheocmu mecne.

⁵ No mârenj sâc njicwofunj jañe wiac hehesicne kecziñuc epie honepo: ⁶ Jañe njic mutucne jañere meo gie fekicne râehuc njic monej mafa sâkohec jañere meo ine gie omane râeenjopienj. ⁷ No kinjanj qaqa jañe becâsic faio ñehapie njic fekicne jañe kinjanj qaqa jañere sâc kikezi rahapie honec-jopapo.

⁸ Go nombânj moc rocmuo ine gahaczia hucmu, â ficsâpe moc heropiehanj homazi kicguocmu. ⁹ Qânâ wiac rohuc juhapene qânâzia ñemac-nâpooocmu, â zoc hesuckepene izia nâpooocmu. ¹⁰ Râricge micmânj eha mi zâmucmuo ine gie sâko gareocmu, irec qananj mamasu gie barâ wiac ebac etec sâckeocmu. ¹¹ Go homa moc biac kicguha faicnao sawa bâmâtenjkecmu i fâri tâmiric eocmu.

¹² Njic mañqârânjhec e dân muocmu izi hâcne zâñe biñe-ticne bafahareocmu, â njic mutuc matakne e ine dânticnezia sipirickeocmu. ¹³ E funjerâ dânj mutucne muekac, erâ muraku dânj gâgâpâcne jâmbânj muhuc mutaraekac. ¹⁴ Njic mutuc mataknezi dânj zuzuhuc jaha muekac.

Njic nâñac wemo wiaczi maic-nâpooocmu i mi manaenjopenenj, erâ juku hâmopene irec faicnao

wemo wiac fuaocmu i njic moczi moc sâcne wâc mi nâzâocmu.

¹⁵ Njic mutuc matacnezi hae-ticnere hata basahuc gie sâko baku docke betan eocmu.

¹⁶ Opon, mârenj mocte njicwofunzi qie hawari juocmu â fekicnefâc-ticne janje njafe zora tiwâ bâzi sâko nâhuc juhapie hae fureme mârenj i sâqorerâ foomu. ¹⁷ Â mârenj moc irec njicwofunzi njic sananje juocmu â fekicnefâc-ticne janje tiwâ bâzi-jenjic damenkoa nâ bac ehuc opâ sanan nâpie manjenjic mi sifuckeme mârenj izi ine bianje foomu.

¹⁸ Njic moc e ojon juhuc ficbupu-ticne mi bâpianjkeha hoe wahame juku ficticne zankeocmu.

¹⁹ Nânjâc tiwâ bâzi nâhuc bubian manaengopenenj â wainj opâ nâhuc zeri bari eenngopenenj, erâ ine wiac i monenj tâmiric mâc rorâ nânâne mi fokac.

²⁰ Njonje njicwofun-jenjic hofao me sonsonko mi sâweckenzepienj, erâ ficjenjicko njehuc njic monenj mafa sâkohec janje wâc mi sâwec-jopanzepienj; wipe janje dânjenjic manarâ ra dânrune jazanzipinje injuc mi enzepienj.

11

Njic manqârânjheczi wiac ebac eocmu irec dân

¹ Go monenje qikinjetec izi gie bame juku zuhuckerâ fua-gareocmu. ² Erâ gie mocjahare sawa mâcne, gie 7 me 8 irec binje qikinnezemec. Go mârenko wemo njemâc moc fua-gareocmu i mi manakicte injuc hâcne ezemec.

³ Karoraczi qâzuckerâ gâpârehuc hoe heekac, â jâc moczi juwicpec me faicpec fararâ ijaha foocmu. ⁴ Go hoe mânâñ jahere soñañ bahuc gie he sarac mi ecmuo ine qa roro dameñ maickeme fârine basacmu. ⁵ Neñgoc bumañko ñic qâricne weniñuc ehuc mañ sahachec fuaekac i mi manaengopeney, iñuc jaha wâc Anutu bapafâre rune e gie bapa-ticnere fuñne mi manaengopeney. ⁶ Go furicte â owâcne gie he sarac ezemec; go wiac wenimoizi bianañkeocmu â wenimoizi sâqoreocmu, me mâmâc jaha fua bianañ eniñmu i mi manaekicte iñuc hâcne ezemec.

⁷ Tatamac i wiac bianañe, irec zâñe-nâñeczi zoañ tatamac honerâ bubianañ manaengopeney. ⁸ Go mâreñko jufecmu sâc bubianañ manazemec, ehuc dameñ zoricne me bembeyne jufehuc ziñuc manasuzemec: No juku hâmorâ dameñ zora fopemu. Wiac fuaocmu sasawa i fâri tâmiric efâreocmu.

Socqâri janjere uñsawanj dân

⁹ Ñic ñokac socqâri ñoye añac faio junzepien, erâ socqâri jaha juhuc bubianañ manarâ zeri bari enzepien. Ehuc ine wiac ebac eniñmu irec Anutuzi juku dângieo râec-ñopaocmu i manasunzepien.

¹⁰ Wiac irec me irec mana mezac ehuc busâqoc mi enzepien, ñoye dameñ zora socqâri mi junñmu.

12

¹ Ñoye socqâri jaha juhuc bâbâfua-ñejicte manasuhuc junzepien: juku zâhec ine zârâ zâpâ dameñ maic-ñopame ziñuc muniñmu:

“Nâņe jujure mocwâc mi aņac-nâpoekac.”
 2 Damerņ ira hâcne mosa zoaņ â bâpiņ jaņere tatamaczi gâpâreocmu â karoraczi mocwâc mi tâtieocmu. 3 Ehame meņeņic bafic-ņopahuc juwec i betaņkeocmu, â kike-ņeņic sanaņkerâ domaekac i jâjâwâckeocmu, â micsiec-ņeņic gâcne mârâņkeme nânâ wiac-ņeņic kidockezo eipieniņmu, erâ wâc zâņ-ņeņiczi dapâc eme wiac honepie sisifucne eocmu. 4 Hae zoņao fânâņ wiac fuame sâcne mi mananiņmu, ehuc pađi toņtoņko âeckepie irec fânâņ wâc mi mananiņmu, â gae wohuc woņgâņ qapie irec fânâņ i wâc iņuc jaha mocwâc mi mananiņmu, mâc wipe jaņe dâņepie ine guņkonec mana qâqâreniņmu. 5 Noņe damerņ ira tiki mâreņko juhuc hâwic-ņopaocmu, â hata raniņte boc eipieniņmu. Ehame jaņqâņzi âkec-ņopaocmu â sasecte tâpiri-ņeņic wâc omaeocmu.

Nâņac jujumana hae-nâņecko rahapene hae zoņao ki mamakuc fuarâ foomu. 6 Juju-nâņecte niņgiņzi tâcneocmu, â lambe-nâņec golzi bakicne i waha qanzaņneocmu, erâ opâ pakere muc i tâcneha pake e jahacne wâc qanzaņneocmu. 7 Sahac-nâņec mâreņzi bakicnere mocwâc mâreņ jaha eocmu, â qâqâtâc-nâņec Anutuzi nârewec e ine mocwâc e jahacnao risieocmu.

8 Erâ wiac i sasawa fâri tâmiriczi fâri tâmiric ekac, Miti Mumu NĪczi iņuc mukac.

Qâqâhâc dân

9 Erâ ine Miti Mumu NĪc e maņqârâņhec juwecte wiac manawec sâc i sifu zuhuckerâ ñic ñokac jaza qazuc ewec. Ehuc muqâqiņ dân

gâcne gâcne i jâmbomac me burec irec fuņne bataniņkeocte mamana gie sâko bawec. ¹⁰ Erâ bâbâmiriņ dâņ mu qâreņ ewec sâc i dâņ fârine sasawa efârewec. ¹¹ Nĭc maņqârâņhec jaņe dâņ muęņgopieņ i lama soņaņ jaņere gunu tetcne iņucne. Erâ i soņaņ sâko-nâņec, Anutu hâcne, eki tahac-jopawec.

¹² Nokâ-mae, no dâņ moc gazape manac: Nĭc jaņe papia qizec bocjaha qâreņkeęņgopieņ, eme go papia i sasawa irec mamana gie zoqâchec bahuc betañkezicte rucjarige bahuc juzemec.

¹³ Erâ dâņ muwarekicne irec fârine mocjaha fokac i wâc gazape manac: Go Anutu araņ bacnehuc sâcmutâc dâņticne reņkezemec. Nĭc nâņâc wiac i hâcne enaņte bâfuac-nâpokicne. ¹⁴ Anutu e wiac sasawa, biaņne me sâqocne, erâ wâc soņsoņko ebac ekicne irec sâcko dâņnâņec mutaraocmu.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 21 Apr 2023 from source files dated 9 Feb 2023

76869875-8293-5126-8b67-c576c145ac3c